

[Augsburg], 22. April 1562

An Johannes Oporinus

UB Basel, Fr. Gr. I 11, fol. 251r.  
Steinmann Nr. 742.

S. Cum Io[anne] Fuggero detinente, Francofordiensem tabellarium neglexisse: literas quibus tibi respondebam, Argentinam statim misi, quas te domi accepisse confido. Hillerus quas literas attulit, Pamgartnero reddendas curaui, cum mihi aditus ad eum non patêret, egoqûe saepius iam τὸ ἀνεμώλιον hominis expertus, nihil ab eo vel pro me vel pro alio petendum esse intellexerim. Quare me excusatum habeas velim, frustra nitendo nihil nisi odium querere recusantem. A Burtempachio accepi Euripidem cum 3 alijs libellis, grata munera. Sed illud longè gratius futurum, si Epicteto tantum latinè et forma octaua excudendo quam primum me exhilararis. Non sum senex, se ita afflita valetudine, vt me vix annum sperem posse viuere: Annos iam 15 praela tua meis lucubrationibus sine vlo tuo dispendio, vt arbitror, inseruerunt. Noli quaeso me nunc demum destituere, cum, quod feceris, in eo non tam quaestus quam amicitiae nostrae rationem habuisse videberis. Vale. Raptim. 22 Aprilis 1562.

Hiero[nymus] Wolfius  
T[uus].

Alias plura, nunc per tabellarij properationem vix haec ipsa. D. Carino, si apud vos est, multam salutem dicas velim. Sumus hic de eius valetudine solliciti, quod diu nihil scripsit.